

邑人倪光薦書

集西太子少保工部尚書倪光薦
所書臨端祀碑字碑現在縣西門
內關帝廟

身長李典焯識



平谷縣志

大德少卿直文淵閣永嘉黃養正書

平谷縣志

集刺賜典平谷寺記碑字解在寺內
明正統十三年石刻

李興棹識



平谷縣志序

方志者地方之史也梁啟超氏曰有良方志然後有良史故方志者又國史之基也昔章實齋創州縣立志科之議識度夙絕誠保存地方史之善法惜百餘年來卒無起而行之者於前歲全國內政會議議決各省市縣設立文獻委員會組織法由行政院通過施行實齋之議而今竟見諸功令惟各縣之文委會雖經成立多未厲行亦等於虛設而已則甚矣保存地方史之難也余服官河北數載於茲曾赴各縣視察政務對於文獻素所關心於客歲三月奉檄來長是邑接篆後披覽邑乘查係民

平谷縣志

卷一序

天津文竹齋印

國九年所修嗣閱卷宗又悉前任於二十年曾聘王紳濟時重纂新志業經脫稿祇未付梓竊甚惜焉第是既有原稿再爲補編完成此舉非特前功不棄亦於近事無遺遂決以修輯印行爲已任不意邊氛日逼叢爾小邑儼成軍事重地至五月戰亂愈迫以致易地辦公迨七月復回任所滿地瘡痍百方補救此時邑志雖欲修而何暇修哉然而並未一日忘也嘗思平邑爲冀北極邊之地政策所施實以綏靖地方發揚文化爲最要卽抱定此旨銳意進行於巡視時亦諄諄以此諭衆以期上副長官委任之重下慰邑人望治之殷所幸兵燹之餘民風之樸厚

依然政務之推行無阻是以不及一載縣府內部已整飭就緒而轄境一切政務亦無不略復常軌惟此修志之舉尙有志而未遂方籌辦間適奉

省府重修縣志之明令復延前修志局總纂王紳濟時總纂其事賴其潛心搜討紀事徵實又參酌新舊方志之體裁另定目錄所列之門類條理井井較諸舊志益臻美備從茲平邑文獻更覺燦然可觀有心世道之君子欲考盤西遺跡洵北流風者覽是書可以知其梗概矣至於後之賢邑宰本實齋之意旨責成文委會切實保存地方史料以備他年修志有所依據是則

平谷縣志

卷一 序

一一

天津文竹齋印

余所深望也夫

中華民國二十三年九月平谷縣縣長山左陵縣李興焯識於
漁陽官廨

年谷縣志序

平谷志自有清中葉以後歲久失修於民國五年邑長沈幼香倡議續修旋去任而中止由是三易縣令咸任職未久無暇議此至九年邑長王翊漢置局興修屬僕纂輯書成未梓王公擢道尹赴江蘇事又寢息至十五年邑長陳郭光籌貲付印踰歲出版是役也作輟歷數載之久其書始印行可見完成之難此僕前番修志之原委已樹再修新志之基礎也又於二十年斐君李邑長奉憲令編輯邑乘以爲修河北通志之準備並頒修志門類按類編纂復延僕總纂其事僕以體例殷繁限期短促

平谷縣志

卷一 序

三

天津文竹齋印

而覆餗是懼迭辭弗獲於是鍵戶月餘怱怱蔽事送之省府乃邀嘉獎縣長記功斐君邑長猶深自謙抑不攘人美歸功於僕報之省府又授僕以獎章此皆非初意所料及也今邑長復一李公徵此新志稿於僕因慨夫客歲事變書籍遭毀無異秦火之燔經幸此稿置於書畫篋中運往燕京未曾散失特重爲釐定復增輯至二十三年各事蹟共地理經政社會物產人物藝文六綱析爲四十類體例內容均較舊志加詳庶稍免罅漏之譏以副公關懷文獻之意僕因之重有感矣斐君邑長來尹斯土卓著政聲於二十二年元旦

于主席擇優授獎冀全省僅十縣長斐君榮列第三堪稱循良之選而獨於邑志編竣既邀嘉獎不議開雕識者謂其視邑乘亦等諸例牘顧考成而已君子深爲裴君惜以視復一邑長攝篆伊始正置邊陲告警師旅雲集措置裕如迨乎風雲陡變隨軍轉移及大局物定奉檄回任益州重逢商民鼓舞斯時公廨及各局所鞠爲茂草公乃不憚勤勞苦心整頓迄今一載百廢俱興而尤汲汲於邑之新志亟謀付梓竟全功垂久遠使後世有所考鏡則與一意於簿書期會者迥乎不同也茲命工剞劂行將出版適值金風報曉百穀登場合境豐稔簪筆者亦爲之

平谷縣志

卷一 序

四

天津文竹齋印

誌慶民國二十三年九月邑人濟時甫王兆元識

重修誌書弁言

丙午之秋九月既望余由東粵蒞任平邑試觀山川地理城郭形勝以至紳衿黎庶與夫土俗習尚猶有近古風意一日者因琴堂政事暇披邑誌帙其中所編紀自元及明筆於隆慶年歲由後缺而不載歷更甲子一週餘秉筆鮮其人迨詳覽者久之遂奮然起續補之志時公務殷繁蓋有志焉而未逮越今年丁未恒陽李公諱柱明者承學任以教化爲大務會逢朔期與紳博弟子輩商確厥事僉曰甚善余志遂果於續補猶未之竟成俄而上台以文書馳至有修補誌書之令爰與李公登堂纂輯

平谷縣志

卷一 序

五

天津文竹齋印

命邑庠之老成經歷者敷陳軼事採訪時尙詳其所當詳略其所當略凡邑中之山水形景昭然不改宮室廟宇像貌猶存者仍載之以備觀瞻若夫循良治績科名甲第以及明經宦遊者綴補七十餘載事至於錢穀兵刑簿書會計依制叙入下而里巷之謳吟與士女之節孝有關風化者則續補之未幾而事竟成矣愜余志共愜紳博弟子輩志是余有志與李公相聚而謀則成誌也爰命工劂劂以著一代重修之誌云

清康熙六年歲次丁未秋月知平谷縣事關中金明任在陞書於仕優軒

重修平谷縣志序

古有列國史繼爲郡邑志志以紀事也事蓋乘時也時遞轉則事遞新故創於前不可無輯於後期於踵事增華紹明前規也平志起於明隆慶之六年重修於萬歷之二十年迄今蓋七十餘載矧大清定鼎百度維新豈邑乘一書仍蹈舊轍而不思所以纂修之乎雖妙峰瑞屏碣石洵水諸勝跡未之或改然其間戶口之登耗賦役之煩簡與夫賢良循吏忠臣孝子義夫節婦暨水旱祲祥陵谷桑田之變未列史冊者比比然兼之字畫剝落多魯魚豕亥之訛編次失倫貽掛一漏萬之誚何以徵文獻

平谷縣志

卷一 序

六

天津文竹齋印

而詔來茲則今日者誠釐舊更新之一會也幸邑侯任公以三秦宿儒剖竹盤陰桑下雉嬌河陽花秀其循績俱在民口碑間忽於琴心暇暢毅然以修志爲已任適奉有諸上臺纂輯之命公喜而言曰吾願可藉此以成矣因以採集屬之紳衿謬以校勘責諸不慧而訂其簡蔓正其得失易鄙俚爲雅馴悉出公手要以賞賢緹奸信今傳後無失吾尼父春秋家法而已今一展讀之則見其簡而周詳而整臚列嚴明殊無剩義嗣是采風者瞭然顛末而無燭前暗後之虞尹茲者居今稽古而獲調停鈞節之術且使邑之人覽曰若俗美若俗惡若人正若人邪當必

踴躍竦息法戒分途則是志之用意微立教遠也舉昔七十餘載之曠典一旦增而完美焉他年國乘昭垂非留錦製鮮鮮耶編竣余固樂觀厥成爰述其重修之由公以余爲知言遂弁而壽諸梓

清康熙六年歲次疆圉協洽南呂月平谷縣儒學訓導恒陽李柱明書於澹寧公署

平谷縣志

卷一序

七

天津文竹齋印

補修平谷縣志序

今天下四海昇平萬邦効順星垂聯璧之祥河獻澄清之瑞苟非德教淪浹聲名洋溢烏能臻此美盛哉聖天子猶不自暇逸勵精圖治賢執政冀得人而事銳志搜羅余以郡博微員謬廁薦牘荷皇上隆恩召見勤政殿天語溫和疊承清問敬陳一得之愚遽獲九重之譽小臣何人能不感激殊遇更爲清慎自矢乎況余才短識庸驟膺民社恐錦難學製覆餗深憂耳幸值叢爾之隅實掩簿書之拙下車後披閱邑乘見夫有明一代科甲繩繩且多顯秩暨閱國朝所載不但售槐捷柳者罕有其人卽

平谷縣志

卷一 序

八

天津文竹齋印

歲薦恩擢以及忠孝節義之倫亦落落晨星空編白簡將何以傳示來者耶屈指康熙丁未令博諸公踵事補修至雍正戊申前後六十餘年之久事實概未採錄行懼其湮沒而不彰也微邑紳衿請余亦將整殘續缺謀之剗劂以備一代之徵矧紳衿頻以補修爲請乎余越疆末土也僻處東南偏境素慕燕趙雷封雖無馴雉遊魚之異頗有修廢舉墜之心標功名耶闡德行耶紀文章耶表人物耶非長吏之責而誰責乎爰出囊俸哀集衆捐總六十餘年中事實備爲採錄付梓以期毫髮無遺余之志也計向來罅漏一時未能補綴姑舉其可考者俾後之人見

美而法見不善而懲由是風俗益歸於厚人心益進於醇四海
萬邦沐浴昇平之化翱翔効順之風庶幾報聖天子於萬一耳
是爲序

清雍正六年九月署順天府薊州平谷縣事錢塘項景倩題於
漁陽公署

平谷縣志

卷一序

九

天津文竹齋印

續補平谷縣志紀略

邑之有誌猶國之有史也上古結繩而治不可考矣尙書其紀傳之祖乎春秋其編年之宗乎周禮職方氏度天下山川險易戶口阨塞之數畫爲版圖行人採四方風俗上之太史邑之有志與國史等我國朝典重史館官隆總裁欽定明史御纂一統志暨四庫全書典墳邱索無以尙之近奉諭旨考證日下舊聞核寔纂輯使天下萬世知皇都閎麗信而有徵凡畿輔州縣星羅碁布無不各因志乘追尋往蹟遙溯前徽以煥文治之光華葺爾平邑舊誌殘缺未經釐訂康熙六年歲次丁未邑令任公

平谷縣志

卷一序

十

天津文竹齋印

在陛敷陳軼事命工剞劂雍正六年歲在戊申邑令項公景倩復爲採錄付之梓人皆因前明隆慶遺文踵而續之迄今五十年矣愚以中州鄉薦才識譎陋承乏茲邑於課耕課讀勸紡勸織之暇集諸紳士廣爲採擇奈簡斷編殘文獻不足僅卽數十年之文武職官恩拔歲貢籍貫姓名任事考授年月補而增之至於闕則仍闕以俟後之宰是邑者具經天緯地之才著立海垂雲之概遐稽近考舉元明諸公之餘文本朝諸公之著述重爲鉅章鴻裁以副我皇上稽古右文之至意是則愚之所厚望也夫

清乾隆四十二年歲次丁酉桂月知順天府北路廳平谷縣事
河南嵩邑伊臯朱克閱書於漁陽之鳴琴軒

平谷縣志

卷一序

十一

天津文竹齋印

續修平谷縣志序

平谷縣志創於明隆慶六年重修於萬曆二十年清康熙六年
邑長任公在陞復爲釐訂雍正六年邑長項公景倩乾隆四十
十年^二邑長朱公克閱踵事增輯此後失修已一百三十餘載微
獨陵谷易處滄桑變遷無由考證而忠義節烈潛德嘉言亦將
歸泯泯矧有清末造變政維新迨共和成立國體改革地方政
務日見劇繁若學警自治諸端其機關設置之時代組織之職
員不有紀述何以昭示來茲民國五年邑長沈公銓洞鑒及此
爰議續修請於尹憲志襄王公深爲嘉許乃延邑紳調查事蹟

平谷縣志

卷一 序

十二

天津文竹齋印

兆元曾膺採訪後以沈公去任未竟全功繼任者李公樹珽奉
上令敦促成書復延士紳續輯兆元仍爲採訪而李公旋調永
清又中輟後之官斯土者均未關懷邑乘續修之事遂寢焉自
清中葉迄今邑之文獻無徵雖屢議編輯而卒未成書良可慨
也九年夏月浙省王公沛來尹茲邑有舉墜振衰之志與兆元
會晤之初詢以邑志修至何年遂詳陳之公乃銳意續修復請
尹憲備案置修志局屬以總纂其事兆元識譎才輕奚足勝任
顧自爲採訪留心軼事積有文稿甚夥又舊志原梓刈殘字跡
零落讀之甚難因思補之爲將來修志基礎時加參閱胸中略

具成竹故奮操觚之技於是考諸頽碑斷碣徵之各種書籍將舊志之殘闕補竣其訛略處亦稍事損益列於新志之前又原有輿圖已不適用另繪全縣地圖暨縣城圖至是番之續纂非第乾隆以後之事蹟按類編輯卽從前之事蹟亦加增補三閱月而葺事兆元於此三月中策蹇調查閉戶校訂焚膏繼晷以期速竣惟見聞舛陋未能博採遐稽仍待宏達君子復加蒐輯匡厥不逮是所深幸也並序其緣起作輟以識成書之不易

民國九年十二月邑人王兆元撰於修志局

平谷縣志

卷一 序

十三

天津文竹齋印

續修平谷縣志序

凡覘人國者必先考其沿革察其政治明其山川人物之美惡觀其風俗教化之良窳而後其國之興衰強弱可知矣一國如此一縣亦然今有人焉於其縣之沿革不知政治不講山川人物之不悉風俗教化之不修而謂吾知此縣事焉可乎平谷爲禹貢冀州之域開化最早據盤山之險形勢極優自唐宋遼金以來爲兵家所必爭之地而豐功偉績照耀簡冊者代不乏人至其物產之美風俗之淳猶其餘事奈何近百年來而奇偉卓異之士不見稱於當世哉噫蓋由士無奮勉競進之志而官斯

平谷縣志

卷一序

十四

天津文竹齋印

土者復不引爲己責力倡文化此士風所以不復振也余自丙寅孟夏奉鎮威軍團長命來守斯邦當是時也軍書旁午戎馬倉皇于勞軍撫民之餘每欲考其政治沿革渺乎其不可得蓋縣志之失修與夫修而屢輟者不知幾經歲月矣幸邑紳王君濟時關心此事自任收檢殘編慘澹經營不日脫稿舉數百年數十年應修而未修者一旦燦然成書以垂久遠其愉快爲何如也茲於用付剞劂之先爰綴數言以爲序

民國十五年冬月平谷縣知事東豐陳玉符自識

凡例

一是書摺摭資料約分四種一民國二十年河北省府令獎安
適可採之余著平谷志料一河北省府出版之河北月刊登
載余所撰文稿一北平民社出版之縣鄉自治月刊登載余
所撰文稿一彙錄舊志中應存各事蹟其門類則斟酌新舊
方志義例按之平谷實際折衷釐訂計分六綱四十類附目
三以期開卷瞭然無淆覩記

一平邑舊志分野門內所引晉書天文志云尾箕幽燕也自尾
十度至南斗十一度爲析木於辰在寅燕之分野屬幽州漁

平谷縣志

卷一 凡例

一

天津文竹齋印

陽尾三度費直謂起尾九度蔡邕謂起尾四度此指漁陽一
郡而論猶紛歧若斯析至一縣直無分野之可言又按星野
之說有繫之五星者有繫之北斗者有繫之二十八宿者又
有星屬事類之分野則兼五星北斗因時占候皆天官家言
呶呶聚訟總歸扣槃捫燭而已吳恭亨於其慈利新志體要
曰詳地略天所以矯舊志斤斤於星野之非也茲從刪

一方志所列八景率多支離附會近來編纂新志頗有翦芟者
考平邑八景如盤陰積雪石室清風鼓頂朝雲峨眉聳翠峯
臺夕照獨樂晴波咸有實蹟可尋且有關風景况洵水晚渡

能達津海商埠靈泉漱玉用以灌溉田園尤應紀載故附於山河古蹟各條之中

一關隘在地理中雖爲重要惟舊志邊防一門所載之關寨按今縣界只峨嵋山寨在平谷轄境之內其餘均歸薊縣密雲管轄以地非所屬附載於古蹟之後不另列門類

一民國九年余纂之平谷續志凡舊志目錄概未更易故另增新政一門夫古今政治由略而詳由疏而密乃勢所必至民國以來朝令夕更今之所謂新政轉瞬又爲陳迹則新政亦經政也不必別開蹊徑此番編輯將學校警察會計自治農

平谷縣志

卷一 凡例

二

天津文竹齋印

林商會保衛黨務諸端歸入經政門內以免冗複

一災異一門遠法春秋暨前史五行志近年國民政府頒布之修志事例概要中亦有此條目之規定茲爲記載以供科學家之研究

一人才爲邑乘之光宜博採詳誌平谷於明隆慶萬曆兩次修志清康熙雍正乾隆三次續修均載明代進士十六人已經屢次之考定堪爲信史此番修志調查金石又見修城隍廟寢宮記碑係賜進士出身戶部浙江清吏司主事邑人張磐書萬曆三年立石既鑿於石洵足爲據而舊志所載明代進

士並無其人茲編入人才志內因慨進士部曹亦非尋常邑志竟致遺漏以見士之湮沒不彰者多矣奚止一張磐也哉一節婦貞女風化攸關爲方志所必書自國民政府不予褒揚後論者有刪除之議余以舊志所載列女或奉親盡孝婦以代子或撫孤成名母子兼師且能杜彼侵謀保守遺產教子惟忠克勤王事皆堪矜式人羣不專以節烈稱也故仍詳載其表傳又見河北通志叙例草案中於列女有今也苦其多異日恐苦其少矣之語余覽之有深慨焉

一名宦亦此邦之人物也樹政績於是鄉取繫地主義爲志例

平谷縣志

卷一 凡例

三

天津文竹齋印

所應載論者又何必以不隸土籍爲嫌有不列人物之議且臚舉循良之績須列傳以紀其事與人物之列傳同茲載宦績傳於人物志中較爲允協

一是編以一手足之烈所纂成平邑僻在山陬既未設圖書館又無藏書之世家可供假借每有疑義無從考據欲求精博夏夏其難矧又限於學識良多疎漏尙望大雅糾謬繩愆是誠此書之幸也

民國二十三年九月平谷縣修志局總纂王兆元撰

平谷縣志目錄

第卷一封面 集明平工部尚書倪光焯題書修城記碑字

第卷二上封面 集河南按察司副使王鏊題書城隍廟記碑字

第卷二下封面 集明延安府通判倪恩書東嶽行祠記碑字

第卷三封面 集明平谷縣丞李舉書楊嶽行祠記碑字

第卷五上封面 集明山東金鄉縣知縣王沂書明倫堂記碑字

第卷五下封面 集明山東新長縣知縣郝瑛書慈福寺記碑字

第卷六上封面 集清平谷知縣弓佩書火神廟記碑字

第卷六下封面 集清豐潤縣導陳景伊書水峪寺記碑字

平谷縣志

卷一 目錄

天津文竹齋印

第卷一簡端 集明太平谷縣少卿李興焯正題詞善寺記碑字

平谷縣志序

凡例

平谷縣長李興焯近影

王仲宣草書中堂

陳孟陶草書扇面團扇 崔壽山行書中堂二幀

王濟時秋林新雁圖畫扇 喬篆清十八學士登瀛洲中堂

平邑古蹟風景照片十幅

全縣地圖

縣城全圖

卷一

地理志

沿革

疆域

市鄉

面積

山脈

河流

平谷縣志

卷一 目錄

二

天津文竹齋印

交通

古蹟 關隘附

名勝

卷二

經政志

城署

學校

書院

倉儲 惠政附

職官

賦稅

警察

自治

會計

農林

商會

保衛

黨務

平谷縣志

卷一 目錄

三

天津文竹齋印

卷三

社會志

戶口

民生

禮俗

宗教

方言

氏族

災異

卷四

物產志

卷五

人物志

科第

中學以上畢業

人才
列傳附

武功

善蹟

平谷縣志

卷一 目錄

四

天津文竹齋印

卷六

藝文志

文類

詩類


金石

志餘
璣記

平谷縣長李興焯近影



邑 人 陳 孟 陶 草 書 扇 面



陳景伊字孟陶事蹟見傳

邑人崔壽山行書二幅

影又無踪。松花西徑東。江湖常把扇。身送飄黃葉。舞空。樓白雲出峯。過園林。古
 藤花枝動。吐青松。穿簾入戶。銀燭影搖紅。夕落盡。又重開。道嬌姿。粒粒。嫩。肥。干。紅。萬
 紫人。定。檢。滴。滿。苔。翠。兔。滿。塔。佳人笑。倚闌干。外。群。松。棟。玉。孫。公。子。斜。插。帽。簷
 直。九。迴。地。嫩。瓊。滋。舞。長。空。蝶。翅。飄。白。茫。古。斷。藍。關。道。銀。鋪。小。橋。玉。鞋。破。雲。望。江。天
 滿。日。梨。花。耀。剪。福。毛。山。童。來。報。壓。折。光。梅。梅。生。

右錄黃紫光三首

倚東居五羊

高景逸日每至夕陽檢點一日
 所為若小切實煥煉身心便
 震度一日流先如駛良可驚懼

子元賢奕雅房

壽山崔如周

崔如周字壽山
 南獨樂河莊人
 清咸豐辛酉拔
 貢工書法用筆
 遒勁腕力沉雄
 名重一時其墨
 蹟人皆寶之

邑人王濟時秋林新雁圖



余號適性山人性恬澹
有潔癖平生無所好惟
賞鑑書畫酷愛泉石以
自娛亦曾膺公職十餘
載徒驚浮名誠誤矣殆
所謂枕流漱石者歟近
更疎懶性成久不作煙
雲供養此團扇乃民國
初年所繪也

編者王兆元自述



邑人喬篆清十八學士登瀛洲圖中堂



喬鍾文字篆清南
獨樂河莊人自幼
於畫有特慧凡人
物花卉鳥蟲松石
博古無不精妙而
尤長於山水每一
幀成雲烟飛動其
曠邈之致覽之使
人神往純以氣韻
勝也久在舊都筆
耕曾作青綠山水
屏四幅題以玉石
谷款為某書畫家
以二百金購去可
見其價重藝林



水峪寺千佛山閣



水峪寺僧院大樓

興善古刹



興善寺又名水峪寺，建於唐咸通三年，正統八年重修。山腰高處建大悲閣，奉千手千眼佛，為平東建築物之最古者。寺址廣大，殿宇宏敞，內多名人詩字石刻，遠近寺院未有及此者也。

漁山軒轅陵



軒轅陵在平谷縣城北十五里，崗阜隆然，形如大塚，相傳為軒轅陵。上有軒轅廟，又此山名漁山，縣治在山之南，故平谷古名漁陽。

溝 河 晚 渡



溝河晚渡：
為平邑八
景之一，凡
薊縣、密雲、
平谷、山中
出產之核
桃、菓品等
類，均由此
處用船運
往天津、唐
山各地。

峨 嵎 聳 翠



峨嵎山，在
平谷縣城
東北二十
里，其山之
背後即長
城，因峯巒
秀起雙峨
如畫，為平
邑八景之
一，曰峨嵎
聳翠。

盤山之第一面



平谷城垣之一角




前 堂 大 府 縣



部 一 之 園 聊



平谷全縣地圖



例		圖	
	道大		界縣
	路村		界區
	流河		城縣
	坡土		屋房
	沟土		所公區
	河石		所公鄉
	園木菓		所駐公安
	線話電達長		路公縣


平谷縣城圖



西

北

東



南

平谷縣志卷一

地理志

沿革

自古建置都邑必因山河之形勢平谷南東北三面環山層巒疊嶂資爲屏藩洵水泃河映帶左右滌迴境內匯於西南洵天然之疆界設置縣治遠在漢初迨隋唐以迄有明雖屢裁省旋仍置縣其終不得而易者形勢使然也志沿革

平谷縣舊名漁陽者係古漁陽郡地

漁陽古屬冀州唐曰幽都命和叔宅朔方虞舜分冀東北暨無

平谷縣志

卷一 沿革

一

天津文竹齋印

閭之地爲幽州平谷在域中

夏商俱屬冀州

周武王封召公奭於北燕至戰國燕惠王置漁陽郡

秦滅六國分天下爲三十六郡仍置漁陽郡二世元年遣陳勝

率閭左戍漁陽

綱鑑註漁陽今順天府薊州按平谷曾屬薊州

漢高祖封臧荼爲燕王五年滅荼以其地封盧縮十二年縮亡

復爲漁陽郡領縣十二平谷其一邑名平谷自此始

後漢仍置漁陽郡平谷隸焉



三國魏漁陽郡併入燕國仍置平谷縣
晉初省平谷縣後復置屬燕國

北魏初平谷屬漁陽郡太平真君七年省平谷入潞縣

按潞縣原在今通縣地北魏時已移徙於今三河縣地

隋大業三年置漁陽郡統縣一無終

隋書地理志無終縣有洵河如河按一郡只統一縣洵如皆
平谷水名則是時平谷又省入無終矣

唐高祖武德初廢漁陽郡省入幽州玄宗開元十八年置漁陽
縣薊州領之天寶元年改爲漁陽郡十四年安祿山以郡叛

平谷縣志

卷一 沿革

二

天津文竹齋印

明隆慶平谷舊志唐廢平谷爲大王鎮入漁陽縣

梁時爲劉仁恭所據稱燕王

五代後唐滅燕復爲幽州

石晉天福中以河北十六州割與契丹迄漢周及宋皆不能取
宋徽宗宣和五年金人來歸燕及涿易檀順景薊之地

金大定二十七年復爲縣仍名平谷屬薊州

金史以漁陽縣之大王鎮置平峪縣峪同谷爾雅釋水注谿
曰谷或從山是也

元初併平谷入漁陽縣至元元年改燕京路爲中都九年改中

都爲大都二十一年置大都路總管府領縣六州十薊州領平谷等縣

明洪武初改大都路爲北平漁陽縣省入薊州領縣四平谷屬焉十年省平谷入三河十三年復置平谷縣永樂元年以北平爲北京改北平府爲順天府領州五縣二十二平谷屬薊州清康熙十五年分平谷等縣屬通永道雍正四年以通永道專司河務平谷改屬霸昌道乾隆八年以平谷縣直隸順天府民國初年改順天府爲京兆特別區領縣二十平谷其一也十七年國都南遷裁京兆區劃歸河北平谷縣屬河北省

平谷縣志

卷一 沿革

三

天津文竹齋印

平谷於北魏時曾省入潞縣因此論者有謂漢及三國魏所置之平谷縣在今通縣地考後漢書光武紀建武元年北擊尤來大搶五幡賊入漁陽迺遣吳漢等十二將軍追戰於潞東及平谷大破滅之按潞縣故城在今通縣東其追戰於潞東及平谷則平谷距今之通縣遠矣可證昔之平谷非在今通縣地此一說也矧其書平谷句下註云平谷縣屬漁陽郡故城在今潞縣北接後漢書乃唐章懷太子李賢註所稱今潞縣者係指唐時而言唐代潞縣在今三河縣地考明代平谷志載平谷故城在今縣城西北十二里正居三河之北與

註所云方向脗合以此則昔之平谷非在今通縣地又一說也考水經注載洳河水出北山山在儂奚縣故城東南東南流逕平谷縣故城西而東南注於洳河按洳河在今平谷縣城西八里至西南與洳河匯流入三河境三河即洳水而名通縣在平谷西南其縣之東界與平谷之西界相距約七十里以方向遠近論洳河何能流逕今通縣境內以此則昔之平谷非在今通縣地又一說也考其謂漢置之平谷在今通縣地者乃據光武紀註作在潞縣北以爲證而未細察其著書人之時代與潞縣縣治之遷移也此皆講沿革所應考徵者

平谷縣志

卷一 沿革

四

天津文竹齋印

故誌於茲編之後云

疆域

昔禹敷土以別州境奠高山大川以表州鎮而疆域之制以興凡平邑四面邊界之村莊及距離鄰縣縣界之里數亦當詳細以載焉使有定守而不相侵越志疆域

正南距城十二里至青龍山偏西距城十五里至辛店南莊窠皆與三河縣連界又偏東距城十五里至望京山南拉鞭溝皆與薊縣連界

東南距城二十里至大嶺偏東距城三十里至白土嶺暗峪寺又偏東距城四十里至石塘峪皆與薊縣連界

平谷縣志

卷一 疆域

五

天津文竹齋印

正東距城四十里至喝山集偏南距城四十五里至上堡子皆與薊縣連界又偏北距城三十里至四祖務之勝水寺東與薊縣連界

東北距城二十里至文家莊三十里至白雲寺偏西距城二十里至峨眉山營皆與薊縣連界

正北距城十五里至瑞屏山偏東距城二十里至漁子山又偏西距城二十五里至蕭家嶺黑窩子北土門莊皆與密雲縣連界

西北距城二十里至下箭務偏南距城十五里至蓮花潭十二

里至城子莊皆與三河縣連界

正西距城十里至魯各莊偏北距城十里至白各莊偏南距城
十里至周村莊又偏南距城十五里至西鹿角莊西皆與三
河縣連界

西南距城十一里至霑霑莊又自霑霑莊西南三里至趙家務
莊窠又西南三里至高家莊共十七里皆與三河縣連界

市鄉

都邑者市鄉社屯之積也市鄉社屯者人民聚居之所也必其里居根抵盤固然後能發揮其力量操作其職業凡國家之賦稅地方之捐輸亦咸由此出使市鄉之耗乏乃為政者所深憂仁人君子尙圖有以寬之明初平邑編戶十三里辛案社鹿角社獨樂社坊廓社日勤屯遷民屯秦務屯祖務屯高村屯安固屯廣成屯負廓屯廣儲屯成化八年併為七里後又改為八里至有清末葉舉辦自治全縣劃分東一東二北西為六區民國五年改併五區至十七年又併為三區此里區之變遷也至於村莊有昔為村落今成田地昔為

平谷縣志

卷一 市鄉

七

天津文竹齋印

阡陌今成閭閻者此村莊之變遷也故分紀昔之社屯村莊於前今之區鎮鄉村於後俾後來知其變遷之迹也志市鄉集市

舊志在城每月五日十日

峨嵋山營并嶗山每月四日九日

現時城關每一旬三五八十日為集期

峨嵋山營集市今廢嶗山歸薊縣管轄

新立獨樂鎮每一旬四日九日為集期

社屯

舊志辛寨社在西北縣 鹿角社在西南縣 獨樂社在東北縣

坊廓社在城 泰務屯在東縣 日勤屯在縣北

負廓屯在縣北 廣成屯在縣北

村莊

舊志馬家莊三里 張家莊六里 龍家務六里

安固屯八里 黃土崗八里 夏家莊十里

南泰務十里 中泰務十里 北泰務十里

賢堂莊十里

以上俱在縣東境

平谷縣志

卷一 市鄉

八

天津文竹齋印

楊家莊四里 稻地莊十里 大王務十五里

以上俱在縣東南境

寺渠莊二里 小碾頭莊四里 東高村八里

新店十里

以上俱在縣南境

西高材八里 壽露莊十二里 高家莊十五里

以上俱在縣西南境

馬圈莊四里 閻家莊四里 東鹿角莊六里

趙家莊六里 西鹿角莊八里 岳家莊八里

北臺頭莊九里 南臺頭莊九里 周村十里
魯家莊十里

以上俱在縣西境

賈家莊四里 大新寨八里 小新寨七里

白家莊十里 城子莊十二里 放光莊十二里

蓮花潭十五里 下箭務十五里 安駕會十五里

井兒峪二十里

以上俱在縣西北境

齊家莊五里 羅家莊八里 東胡家務十里

平谷縣志

卷一 市鄉

九

天津文竹齋印

中胡家務十里 宋家莊十里 西胡家務十里

北管村十二里

以上俱在縣北境

下紙寨一里 上紙寨三里 橋頭營六里

南歷西莊十里 北歷西莊十里 山東莊十五里

峯臺十八里 南獨樂河莊二十里 文家莊二十里

北獨樂河莊二十里 甘營十八里 望馬臺二十里

水峪莊二十里 儲水莊二十里 海子莊二十五里

滑子莊三十里 上馬家莊三十里 祖務莊三十里

上寨莊里三十

新開峪里四十

紅石崖莊里五十

高家堡里五十

以上俱在縣東北境

現時區鎮鄉村

第一區位縣之西南境所屬共二鎮二十六鄉

第一鎮城內鎮 第二鎮西關鎮

第一鄉東寺渠莊 第二鄉下紙寨莊

第三鄉西寺渠莊 第四鄉上紙寨莊

第五鄉馬各莊 第六鄉張各莊

平谷縣志

卷一 市鄉

十

天津文竹齋印

第七鄉楊各莊 第八鄉賢王莊

第九鄉稻地莊 第十鄉東高村

第十一鄉大王務 副鄉辛店

第十二鄉西高村 第十三鄉霧靄莊

第十四鄉西鹿角莊 第十五鄉東鹿角莊

第十六鄉趙各莊 第十七鄉周村莊

第十八鄉岳各莊 第十九鄉賈各莊

第二十鄉北台頭莊 第二十一鄉捻頭莊

第二十二鄉龍家務莊 第二十三鄉楊莊窠莊

第二十四鄉前台頭莊 第二十五鄉趙家務莊
第二十六鄉高莊

第二區位縣之東境所屬共二十一鄉

第一鄉南獨樂河莊 第二鄉峯台莊

第三鄉北獨樂河莊 第四鄉東文家莊

第五鄉胡莊 第六鄉韓莊

第七鄉晏莊 第八鄉滑子莊

第九鄉土寨莊 第十鄉郭家屯

第十一鄉東馬各莊 第十二鄉水峪莊

平谷縣志

卷一 市鄉

十一

天津文竹齋印

第十三鄉洙水莊 第十四鄉南山莊

第十五鄉望馬台莊 第十六鄉甘營莊

第十七鄉南泰務莊 第十八鄉北泰務莊

第十九鄉安固莊 第二十鄉夏各莊

第二十一鄉新開峪

第三區位縣之西北境所屬共三十鄉

第一鄉瀝津莊 第二鄉張辛莊

第三鄉西文家莊 第四鄉山東莊

第五鄉小北關 第六鄉大北關

第七鄉東胡家務 第八鄉上營莊

第九鄉北土門 第十鄉井兒峪

第十一鄉楊家會 第十二鄉下箭務

第十三鄉放光莊 第十四鄉城子莊

第十五鄉白各莊 第十六鄉魯各莊

第十七鄉小辛寨 第十八鄉大辛寨

第十九鄉西胡家務 第二十鄉羅家莊

第二十一鄉熊耳營 第二十二鄉中胡家務

第二十三鄉興隆莊 第二十四鄉橋頭營

平谷縣志

卷一 市鄉

十一

天津文竹齋印

第二十五鄉李辛莊 第二十六鄉杜辛莊

第二十七鄉太平莊 第二十八鄉蓮花潭

第二十九鄉齊各莊 第三十鄉王辛莊

面積

平谷縣東西廣五十五里南北長四十五里面積共一千一百六十方里

附註 查平谷縣三面環山境內且多石河考山地所佔面積約四百七十五方里其中可耕者當五分之一爲九十五方里石河所佔面積約一百四十五方里河流所佔面積約六十二又十分之五方里道路所佔面積約五十八方里鄉村所佔面積約一百一十六方里合計不可耕之地爲七百六十一又十分之五方里其餘可耕者只有三

平谷縣志

卷一 面積

十三

天津文竹齋印

百九十八又十分之五方里

山脈

攷平谷縣境山脈係屬陰山分支之燕山脈由西北沿長城之南蜿蜒而來入於境內則又分支於北東南各方羣山攢簇屏障城垣其形勢名稱暨距城遠近均應詳紀以見峯巒之勝概也志山脈

雙髻山 在縣城西北十五里雙峰聳峙蟠結若鬢故名山麓有藥王廟上有王母宮

墩臺山 在雙髻山左側巉巖如削突兀排空視雙髻山若土阜耳上有頽垣故址望之如城

平谷縣志

卷一 山脈

十四

天津文竹齋印

瑞屏山 在縣城北十五里連峰秀列如屏上有石臺下有興隆寺

漁子山 在縣城東北十五里上有軒轅廟

峨眉山 在縣城東北二十里層巒秀起雙蛾如畫故名平邑八景之五曰峨眉聳翠

靈泉山 在縣城東北二十里山麓有龍王廟右側里許有興善寺一名水峪寺

柏子山 在縣城東北二十里

妙峰山 在縣城東北二十五里奇峰聳秀下有九姑泉

雞足山 在縣城東北四十里下有三泉寺

城山 在縣城東北五十里四山高聳中平如城故名

喝山 在縣城東四十里峰巒峭峻林谷深邃上有雙泉寺

暗峪 在縣城東南二十里內有龍泉寺

盤山 在縣城東三十里本名四正古有田盤先生居此因

名盤山亦名東五臺高二千仞周百餘里分爲上盤中盤下

盤清高宗屢幸此建行宮曰靜寄山莊平邑八景之一曰盤

陰積雪

峴山 在縣城南十里許上有龍潭值歲旱禱雨取水於此

平谷縣志

卷一 山脈

十五

天津文竹齋印

泉水山 在縣城南八里下有泉逆流河發原處也灌稻田十

數頃民賴其利有村落名曰稻地

鼓形嶺 在縣城南十五里山形如鼓上有孔每旦雲氣浮出

故名平邑八景之三曰鼓頂朝雲

河流

平谷縣境以洵河泃河爲鉅流春冬作橋梁夏秋用舟楫以濟行人沿河田園多資灌溉惟雨水漲發亦恒罹水患此外支流繁布境內茲將河流之發源經流匯合分述於是編以爲講水利者助志河流

洵河 在縣城東北源出口外入薊州之黃崖口廣漢川俗稱頭道河迤邐西流入平谷境逕紅石坎又西七里逕韓家莊南又三里逕洙水莊又五里逕獨樂鎮獨樂河北來注之西流逕峯台瀝津等莊由城東門外與馬家莊河合流逕西

平谷縣志

卷一 河流

十六

天津文竹齋印

高村東西鹿角等莊入三河境至寶坻界會于白龍港平邑八景之四曰洵水晚渡

竹書紀年齊師及燕戰於洵水齊師遁卽此水也

酈道元水經註洵水出北平無終縣西山白楊谷西北流逕平谷縣界屈西左合盤山水旋西南流獨樂水入焉又西逕平谷縣故城東南與泃河會又南逕絜城東而南合五百溝水水出匕山東北逕平谷縣之絜城南東入於洵河又南逕臨河城北屈而歷其城東側城南又南入鮑邱水
顧祖禹方輿記要洵水在薊州北四十里名廣漢川俗名廣

厓川發源黃厓口一支西南流經盤山之陰入平谷爲洵河
洵河 源出密雲縣石峨山南流經平谷縣入於洵河

永水經註水出北山山在僞奚縣故城東南南流逕博陸故
城北又屈逕其城東又東南流逕平谷縣故城西而東南注
於洵河

獨樂河 在縣東北二十里或伏或見斷續無常西流入於洵
河平邑八景之八曰獨樂晴波

水經註水出北抱犢南逕平谷縣故城東南流入於洵

盤山水 水經註云水出山上其山峻險人迹罕交去山三十

平谷縣志

卷一 河流

十七

天津文竹齋印

里望山上可高二十餘里素湍皓然頽波歷溪沿流而下自
西北轉注於洵河

逆流河 一名小碾河在縣城南發源泉水山下西南流九十
九曲入於洵河

馬莊河 在縣城東三里源出瀝津紙寨等莊入於洵河

周村河 在縣城西十里入於洵河

雙泉河 源出雙髻山下雙泉湧出流爲河故名其流甚微折
葦可渡西南流會清溝河入於洵河

清溝河 源出縣城北五里許杜辛莊後西南流會雙泉河入

於泃河

靈泉 在靈泉山麓龍王廟神座下水高地數尺山下接修土梗引水西行穿水峪寺而過至文家莊沿村遶舍宛轉環流居人隨意引入田園以資灌溉平邑八景之七日靈泉玉漱按明史此泉乃徐貞明所治貞明隆慶五年進士仕工科給事中上水利議謂畿輔諸郡或支河所經或澗泉自出皆足以資灌溉北方未習水利惟苦水害不知水害未除正由水利未興也蓋水聚則爲害散則爲利元虞集欲於京東濱海地築塘捍水以成稻田若仿集意募南人爲倡引水成田庶

平谷縣志

卷一 河流

十八

天津文竹齋印

東北儲蓄常充矣後著潞水客談論水利當興者十四事言西北之地旱則赤地千里潦則洪流萬頃雨暘時若庶幾樂歲無飢此可常恃乎哉惟水利興而後旱澇有備萬歷十三年用給事中王敬明薦以尙室少卿兼監察御史領墾田使貞明乃先治京東州邑如平谷水峪寺龍家務莊及三河塘會莊順慶屯稍有水田並密雲薊州遵化豐潤玉田等處共墾水田三萬九千餘畝

龍泉井 在縣城東北十五里永樂年間駕嘗駐蹕於此因鑿是非故名

龍潭 一在縣城南大王務十餘里一在縣城東北龍王廟
二十二里

平谷縣志

卷一 河流

十九

天津文竹齋印

交通

縣道

縣治西南一百里達通縣一百四十里達北平

縣治正南四十里達三河縣

縣治東南九十里達薊縣

縣治東北一百四十里達興隆縣

縣治西北九十里達密雲縣

縣治正西九十里達順義縣

渡口

平谷縣志

卷一 交通

二十

天津文竹齋印

東河渡

楊各莊渡

鹿角莊渡

寺渠渡

周村渡

岳各莊渡

以上各渡口春冬有橋梁以濟行人夏秋水漲發時則撤去用舟楫以便往來

航路

縣治南寺渠莊洵河為泊船之所由河路運輸往返天津

唐山一帶

汽車路

由縣城直達通縣北平春冬通車夏季橋梁撤後停止

電話

電話局設縣城內通北平天津

郵路

郵寄代辦所設城內每日晝班城南四十里至三河縣

平谷縣志

卷一 交通

二十一 天津文竹齋印

古蹟

杜甫過宋玉故宅而作詩以慨蘇子登桓山周覽而援琴以歌凡今人于古人之不可見者覩其往蹟輒徘徊不忍捨去夫信而好古仲尼猶然況其下者乎黍離興悲秋露增感存古之廢正所以著今之興也鑒戒之意良寓于茲矣志古蹟古縣城 在縣西北十二里卽城子莊

石室 在縣城東五十里城山其室僅容一人相傳孫真人

潛修於此平邑八景之二曰石室清風

峯臺 在縣城東北十八里峯臺莊西臺今廢平邑八景之

平谷縣志

卷一 古蹟

二十二 天津文竹齋印

六曰峯臺夕照

看花臺 在縣城南五里逆流河西相傳金章宗看花於此遺址尙存

望馬臺 在縣城東二十里有村落卽以臺名

摩鼓臺 在縣城東二十里

發箭臺 在縣城北二十里瑞屏山相傳金章宗出獵登此三臺觀逐獸

按金史稱章宗獵於近郊與邑志所載有合也

紅泥洞 在縣城南十五里

壇廟

社稷壇 在城外西北洪武七年建今廢

風雲雷雨山川壇 在城外東南洪武七年建今廢

軒轅黃帝廟 在縣城北漁子山上

八蜡廟 在縣城西南寺渠莊

邑厲壇 在城外正北洪武七年建今廢

真武廟 在縣北城上今廢

東嶽廟 在縣西門外洪武年間建正統十年縣丞張鐸重修

關帝廟 在縣西門甕城內元至元年建明成化六年重修

平谷縣志

卷一 古蹟

二十二

天津文竹齋印

城隍廟 在縣治北洪武年建嘉靖二十年重修

二郎神廟 在縣城南寺渠莊

火神廟 在縣城南門外

崔府君廟 在縣城東北橋頭營

龍王廟 在縣城南寺渠莊

馬神廟 在縣治西

覺雄寺 在縣治西遼重熙十三年建嘉靖八年重修內有僧

會司今廢

慈福寺 在山東莊西北至縣十五里正統九年建正德四年

重修今俗稱山東寺

臨泉寺 在東高村東一里至縣八里大遼時建嘉靖二十七年重修今俗稱高村寺

興隆寺 在瑞屏山下至縣二十里元大德元年建宏治年間重修今俗稱蕭家院

香嵐寺 在漁子山寨南二里至縣二十里金明昌三年建嘉靖二十四年重修今俗稱獨波峪寺

興善寺 在峨嵋營東二里至縣二十里唐咸通三年建正統八年重修寺之東北一里許靈泉山下有泉出焉經流于寺

平谷縣志

卷一 古蹟

二十四

天津文竹齋印

今俗稱水峪寺

白雲寺 在黑豆峪寨北至縣二十五里金皇統四年建明宏治十二年重修今俗稱繼廣寺

勝水寺 在祖務莊東至縣三十五里今俗稱閣兒寺

雙泉寺 在塌山集東至縣四十里金明昌年建

三泉寺 在上馬家莊東北至縣三十五里金永安二年建

龍泉寺 一在盤龍山西至縣三十里元至正四年建嘉靖二十四年重修今稱暗峪寺

一 在北瀝西莊至縣十里元至正四年建嘉靖二十七年

重修今俗稱瀝西寺

一 在井兒峪東至縣二十五里元至正十年建嘉靖二十
年重修今稱井兒峪寺

安固寺 在縣東八里

淨寧寺 在西鹿角莊至縣八里金大定二十年建今俗稱鹿
角寺

淨嚴寺 在大辛寨至縣八里遼天慶十年建正德元年重修
今俗稱辛寨寺

石佛寺 在東胡家務北至縣十里元至正二年建

平谷縣志

卷一 古蹟

二十五

天津文竹齋印

喝山寺 在喝山集東至縣四十里元至元三年建

會雲庵 在水峪莊南至縣三十里永樂二十二年建

彌陀庵 在稻地莊至縣十里正德年間建嘉靖二十六年重修

朝陽觀 在縣治東南永樂年間建內有道會司今改高等小

學校

延祥觀 在南獨樂河莊至縣二十里元至元二十六年建

陵墓

軒轅陵 俗傳在縣東北十五里漁子山下今山上有軒轅廟

漢將馬成墓 在縣東二里有碑

葆真太師墓 在縣東北二十里今獨樂河莊有碑

巨構墓 金節度使在縣南八里有碑

金花公主墓 在縣東三十里上馬各莊舊傳金章宗女葬于

此其墓兩山相抱從崖口鑿石穴用四銅環以懸棺木引海

子水流入于內其深莫測至今捕魚者猶或見之

張格墓 金轉運使在縣北八里

張伯道墓 元都元帥府經歷

張居仁墓 元奉訓大夫在縣東北十五里

張仲文墓 元奉訓大夫在縣東北十五里

平谷縣志

卷一 古蹟

二十六

天津文竹齋印

張德溫墓 元進士在縣東北十五里

金純墓 明山西布政使在縣城北門外

金濂墓 明山東運使在縣城北門外

張^禮墓 明僉都御史在縣西北七里泖河西岸

王鏜墓 按察副使在縣西北賈各莊東南

倪光薦墓 明工部尚書在北門外與金氏墓相望有翁仲獸石

倪氏祖墓 在縣城西南里許有勲封三代碑

王札墓 清陝西靖寧州知州入忠義祠在峯臺莊南里許高

坂上有諭祭碑

王國璜墓 都司經歷在縣北十五里放光莊南盤龍港有墓表及崇祀鄉賢碣

楊春墓 在城西北半里許明營州中屯衛世襲指揮同知原籍湖州府人至其七世楊加猷立石表墓

牛坤墓 在東門外洵河東岸原籍天津人嘉慶年徙居城內官翰林院侍讀學士雲南提督學政

徐壽朋墓 在城北三里保陽人清光緒年出使韓國大臣任外務部左侍郎

關隘

平谷縣志

卷一 關隘

二十七

天津文竹齋印

將軍石營提調 統本營 峨眉山營 黃松峪關

將軍石關 彰作裏關 黑水灣寨 峨嵋山寨

以上俱屬薊州兵備道并馬蘭峪營叅將所轄

鎮羅關提調 統本營 熊兒峪營 南水峪關

北水峪關 熊兒峪寨 灰峪口寨 漁子山寨

以上俱屬密雲兵備道并墻子嶺寨將所轄

名勝

興善寺又名水峪寺建自唐咸通三年於北山腰建大悲閣奉千手千眼佛高三丈餘左右側立像高半之東西墻壁塑諸天神像北面塑懸山分十八洞洞塑羅漢一閣之二層四壁皆塑小金佛高七寸三面皆滿相傳名千佛山閣西依峭壁石隙中生古柏一株蒼鬱參天蓋數百年物閣前山坡下建真武殿又前爲地藏菩薩殿其內貯經十二櫃又前爲臥佛殿又前爲如來殿殿前東西置配殿依東配殿置鐘樓懸銅鐘又前爲金剛殿又前約數丈有山門三座環以墻垣寺

平谷縣志

卷一 名勝

二十八

天津文竹齋印

之東爲禪院正面依山麓建樓五楹東西禪舍各三間南舍五間寺址宏敞樓殿崔巍遠近寺院無出其右者寺東一里許靈泉湧出依山路西流路中斷接以石橋而凹其中兩旁行人凹中受水又作孔使水半漏橋下飛珠噴玉若驟雨聲名漏橋垂瀑半仍西行入寺內寺之西禪舍爲庖廚內有方井深約二尺水過其中將菜饌置木盤中放井內聽其自然流行穿寺而西在溪邊可坐待其流至取用之較曲水流觴更爲奇絕寺內外喬木陰陰山花簇簇四時有景入夏尤佳巖泉之勝莫能殫述

興隆頂在縣治東北二十里建碧霞元君殿其後建玉皇殿
山半有觀音廟又前爲山神廟其下爲回香庭其南建戲樓
每歲四月十八日演劇爲廟會遠近男婦攜酒而遊者紛如
螳聚東西山麓幾無隙地

縣治東北山東莊之西有山崗阜隆然形如大塚相傳爲軒
轅坟然無實錄可稽真贗莫辨上有軒轅廟亦不知建自何
代廟內碑文引唐陳子昂軒轅臺詩北登薊邱望求古軒轅
臺應龍已不見牧馬空黃埃尙想廣成子遺跡白雲隈以證
其處又禮樂記載封黃帝之後於薊以此則所傳非無因耳

平谷縣志

卷一 名勝

二十九

天津文竹齋印

邑屬北土門村居山谷中村東南有地穴焉牧兒戲測其深
淺刈葛繫石繩使下葛盡復續終日而葛直無稍曲或投以
石聲始鉅久之漸遠漸微訖無聲而止有風自穴出習習然
牛羊誤墜無得出者蓋無底谷也乾隆間村有乞者爲山東
人因其年壯勸使爲傭殊強橫醉後稍忤之詈且毆無敢禦
者會中秋乞者醉聞穴之異以胆自負欲絕而探之自縛長
綆於腰而繫其一端於棘上緣而下未半綆斷而墜不知
縣治西北二十里山勢高聳疊嶂環抱中心砥平西山下有
龍潭水勢淵深相傳舊有尼庵幼尼出行汲忽內急而溺於

終所

潭側潭中龍因有人道之感孕而生女棄之山陬鄰村蕭姓者憐而養之長而聰慧後入遼宮爲后主卒子幼后即專政遂有蕭太后之稱至今其地名蕭家院中有僧廟遺古碑一皆蒙古文土人莫之能識

邑西南七里西高村莊後洶河之北岸有白馬泉形如大池如人緩步禁聲而至泉水上湧亦不甚急若大聲急呼或頓足而咳則水勢涵湧騰如沸湯或投以石浮而不沉仍湧至岸舊傳泉中有白馬恒夜出食禾稼人逐之輒入水中今則泉水清淺白馬亦杳然無迹而泉之名尙仍舊云

平谷縣志

卷一 名勝

三十

天津文竹齋印

縣城南偏東有山名望京山高於衆山其頂平坦天氣清朗時登之遠眺能見京師卽今北平也

白雲寺距城三十里居衆山之間南五里至黑豆峪寨隣薊縣界東至東嶺北界長城西連山谷奇峯疊聳高者呀然低者洼然望之皆深秀而蔚然寺中有古柏五株蒼翠參天寺前有泉咽而不流取之不竭山四圍草木叢茂春夏間山鳥爭鳴野芳競秀入寺中其幽僻清靜之趣今人心神冥合萬慮皆空誠異境也寺創自金皇統四年重修於明宏治十二年清初亦加修補云

邑東雞足山中峯南向而高聳左右兩峯若相拱揖萬株翠
栢鬱密滿山其中古寺建於金大定年間寺前泉水雜出而
三泉獨大因以名寺衆泉匯流自寺至南山口彌望汪洋水
石相激潺潺有聲山之東地名黃草凹復有泉水一道與山
口之水匯而西流卽成巨川有水碾數盤迤南又有橫山遠
照境異景幽爲盤陰第一名勝也

平谷縣志

卷一 名勝

三十一

天津文竹齋印



